

鼓山志卷十二

郡守李拔鑒定

郡人黃任脩輯

張伯謨參訂

藝文七 七言律詩

重遊鼓山

有元公亭

宋元

絳

錢塘人知福州

誰書吾姓揭亭顏棟宇飛騰氣勢完谷口秋風吹鬢髮海東朝日上欄杆地高頓覺羣山小天近須知六合寬三到巖扉殊不厭異時長向畫圖看

鼓山志

卷十二

靈源洞

李

觀

南城人太學說書

朝出城東逕委蛇漸攀藤竹漸臨危伏流似是龍藏處古樹應無春到時誰把石巖齊剗削直教雲氣當簾帷良工畫得猶宜秘莫與凡夫肉眼窺

鳳池山

曾

鞏

南豐人知福州

經年聞說鳳池山蠟屐方偷半日閒笑語客來朱閣上醉醒身在白雲間溪橋野水清猶急海峴輕鷗去却還為郡天涯亦瀟灑莫嗟流落鬢毛斑

同林擇之姚宏甫遊鼓山紹熙辛亥九月廿日

趙汝愚

餘干人知福州

幾年奔走厭塵埃此日登臨亦快哉江月不隨流水去天風直送海濤來故人契濶情何厚禪客飄零事已灰堪歎世人只如此危欄獨倚更徘徊

刻石門左

遊鼓山

黃

邵武人

鼓山萬仞鬱嵒堯東瞰滄溟勢轉高尺五去天摩象緯三千擊木駭波濤攜筇古洞凌蒼蘚瀹茗靈泉泛紫毛暇日元戎追勝賞暫陪笑語釋塵勞

刻靈源洞門

遊鼓山

史季溫

鼓山志

卷十二

二

上到瑠峰第幾間御風騎氣渺人寰天高陡覺星辰近地迥偏饒日月閒去海茫茫疑十里望州隱隱見

三山武夷榜墨千年在任使重巖蘚字斑

刻龍頭泉

登石鼓觀文公天風海濤書併簡住山信和尚

淳祐丁未秋

劉

霑

建州人

蒼藤石壁古招提應恠重來歲月遲江水湧流千古恨山靈阿護一聯詩休論世事更棋局且對斜陽把酒卮我輩登臨多感慨此情未許俗懷知

遊鼓山靈源洞

趙汝珣

汴人郡丞

暫攜朱墨上崔嵬興出煙雲眼界開無策便回流水  
去有緣亦到鼓山來慚非方外狂司馬喜識僧中老  
辨才自笑生平少閒適又驅俗駕入塵埃

刻靈源洞

### 遊鼓山

淳祐辛酉立秋後一日

釋痴絕

野徑斜連石澗傍草根呢呢語寒螿郊原經雨多秋  
意庭院無人自夕陽風捲暮雲歸碧嶂葉隨野水入  
寒塘數家籬落楓林外枳殼垂青菊綻黃

刻大頂峰

### 登鼓山用餘干趙相韻

劉克莊

城郭區區一聚埃江山如此信佳哉挾龍相國騎箕

### 鼓山志

#### 卷十二

三

去招鶴仙人弭節來試問炊梁成短夢何如煨芋撥  
殘灰危亭更看文公匾日落山空未忍回

題鼓山靈源洞東鏡公堂頭老禪時嘉定甲申

閏八月望日

鄭昭先

閩縣人叅知政事

鼇頂雙峰障海流天開勝槩冠南州江流澄徹通河  
漢梵宇高寒逼斗牛雲氣吐吞疑欲雨松陰蒙密不  
知秋此山佳處應須記已辨青鞋約再遊

刻石門右

### 鼓山

鄭江

新安人

攜檝來遊石鼓山島洲疑望有無間天江潮落海門

出洞口雲深月戶關名揭君謨椽筆健詩留子直翠  
珉斑古靈更有碑三字劣削須登莫倦還

刻靈源洞

題鼓山超凡閣

白玉蟾

輸與黃龍第一籌於今不到洞賓羞九重城裏聖箭  
子三百年來糞掃頭山月扶踈龕石冷天風浩蕩海  
槎浮我來會得謙公意豎起拳頭向趙州

與諸禪同遊鼓山靈源洞

李彌遜

啼鶯喚起清晝眠澗松巖竹談幽禪秋曦忽隨壯士  
臂暮景已入詩人肩塵緣咄咄魚吞餌勝事堂堂駒  
鼓山志

卷十二

四

茗鞭屐齒欲回還小立隔煙明滅見江船

題天風海濤亭

林希逸

亭後千尋劣削峰亭前萬里見晴空山藏落照生新  
月海漲輕濤帶晚風世事浮雲變今古客遊礪石徧  
西東近簷溜雨霜皮栢却是渠曾識晦翁

江上望鼓山

元黃環

萬嶂雲收石逕迴上方樓閣鬱崔嵬谷深雨潤秋凝  
竹江遠霜飛月在梅幾夕殘鐘清梵淨數聲寒笛夜  
漁來幽棲盡日稀人跡惟見藤花落碧苔

登劣崩峰

黃鎮成

邵武人

劣崩峰高萬丈梯上方高與白雲齊青山盡處海門  
濶紅日上來天宇低喝水無人空晏坐磨崖有客漫  
留題飄然欲御長風去一笑何煩過虎溪

同憲副高昌兀奴諸君遊鼓山

引見  
石刻

鄭至

鼓峰劣崩等崑崙衆峙無如大頂尊雲出雲歸山歷  
歷潮生潮落海昏昏會言地峻人稀到我喜天低手  
可捫留此鳳池須着脚要窮河漢接靈源

鼓山志

卷十二

五

謹用先祖日湖文靖韻

古木懸巖翠欲流白雲深處甲閩州細摩刻石書苔  
蘚俯視浮漚風馬牛喝洞泉聲何歲月頂峰天氣倏  
春秋扁舟幾過各山下此日方成第一遊

至元戊寅春八日同永嘉劉儼登大頂峰訪靈  
源洞挹天風海濤之勝賦此一律

郝彥澤

幽州人

趁晴驢背穩如船直走東峰劣崩巔風送海濤來異  
國人從石磴上青天雙江漂練疎煙下五虎當潮夕

照邊何日英雄洗兵馬放余來此傲林泉

刻靈源洞

追和用堅重遊之約

二首

程鉅夫

足力猶堪敵瘦筇擬乘寺頂最高峰  
杯吞東海一勺水鞭起南湫久臥龍  
佛界須臾三萬劫神山杳靄幾千重  
煩公更泚如椽筆摹寫雲天不盡容

炎方春淺未如焚花木迷人意欲曛  
福地同遊勝獨往中天一覽破千聞  
於今難擬高唐賦何日重開衡岳雲  
眼底琉球彈丸耳樓船曾見漢家軍

遊鼓山

三首

王惲

汲縣人提刑按察使

鼓山志

卷十二

六

峰回路轉已層雲望遠風塵接海門  
宿靄去收千嶂雨老僧迎勸半山樽  
巖幽選勝窮詩境山迥登危黯客魂  
濶絕殊方同大塊坡仙心事強爲論

其二

筍輿同駕躡鼇羣冷帶秋聲入白雲  
雪竇有禪容暫叩名山無分與平分  
雲憐嶺斷聯松蔭雨惜題芳護蘚紋  
會約贊公重借榻鼓音同向夜深聞

其三

複嶺重岡奠七閩鼓山東峙最崇尊  
嶼亭詩好風濤

湧靈洞龍移窟宅存千尺翠屏宜晚對一泓滄海儘  
難吞雲煙稠載歸時晚月偃松稍玉一痕

遊鼓山

趙文昌 濟南人福  
建廉訪使

海上孤峰劍戟稠茲山盤礴甲閩甌天風下降三千  
界島月傍通十二樓郡志昔嘗誇絕域版圖今始附  
中州六朝而後多詞客誰得題詩到上頭

遊鼓山

明王恭 附馬都  
尉

絕頂珠林出半天靈源鐘磬翠微連平蕪下界孤煙  
外遙海寒濤獨鴈邊雲度佛香清鶴夢風傳仙梵醒  
龍眠西遊自笑塵蹤遠那得閒身此問禪

鼓山志

卷十二

七

遊鼓山天風海濤亭

高亭上與翠微連漠漠風濤際海天吳越百城飛鳥  
外琉球孤島斷雲邊靈巖洞古人稀到青草池空鳳  
杳然深愧遠公相問訊自非元度亦逃禪

送人遊鼓山

靈源洞口白雲飛君去凭高入翠微閩越故城關外  
小琉球孤嶼鳥邊稀天花寂寂逢僧宇林吹飄飄颺  
客衣若對鳳凰池上月頓令心地亦忘機

登鼓山寺

趙廸 閩人

車騎追遊到上方金宮鐘磬藹林塘彩雲寶地通霄  
迥翠壑松濤入海長蘿徑引杯山鳥下石厨供饌澗  
泉香空堂清梵沉沉夕共聽三生色相忘

登鼓山寺呈用明禪師

宋元禧 餘姚人福建主考

棘闈半月閒秋暑巖寺幾程登暮雲勝地江山兵後  
見高天風雨客邊聞送師東海新春別秉燭南州靜  
夜分賓主三生端有契靈源重會讀吾文

洪武庚戌秋八月同廬陵蕭受益王禮劉于上

鼓山志 卷十二

八

饒余善同遊鼓山

吳毅 建昌人

全閩第一峰頭寺積翠岩堯控海隅鐘磬遙聞通上  
界江山俯視隘中區楓林翳日秋容綠松磴盤空石  
勢紆更挾天風凌絕頂扶桑東望曉模糊

鼓山和王安中

步從松徑費攀緣來叩松關問老禪一徑樹陰秋雨  
後半間塔影白雲邊星分水國開蓬島風捲煙濤漲  
海天此日登臨無盡思揮毫題石記華年

同王中美遊鼓山

唐 粲 閩縣人進士



上方迢遞隱樓臺，巖崩峰高亦壯哉。暇日羣公同騁望，百年浮世有塵埃。潭邊飛錫驚龍度，洞口疎鐘見鶴回。只此便投章甫去，石橋何處訪天台。

登劣崩峰

鄧定

杖策登臨思欲飛，江雲汀樹遠依依。天邊島嶼分諸國，木末樓臺隱翠微。日暮乍聞樵唱起，潮平初見客帆歸。此中結屋宜深處，便欲投閒飽蕨薇。

遊鼓山贈闍公

開士忘機似遠師，別來相見不相疑。看雲共著登山屐，求友重吟伐木詩。石鉢龍歸禪定後，松花酒熟客來時。天風亭下靈源洞，采秀攜琴隨所之。

鼓山志

卷十二

九

寄鼓山如公

十年不到白雲樓，何日題詩紀勝遊。巖崩鐘聲天外度，峽江帆影雨中收。別來故舊猶青眼，老去風塵總白頭。欲向禪房分半榻，吾師還肯暫相留。

臨滄亭

唐

泰

閩縣人  
僉事

縹緲危亭際海頭，昔年曾此賦清遊。初暘絕島生殘夜，極浦遙天接素秋。杖錫到來山虎伏，衲衣已被白

雲留憑高日暮堪乘興煙景蒼蒼綠水洲

陪潘祠部遊劣崩峰

周元

化城東畔大江流江上涼風雨未收南國詞人期載酒漢官仙吏更移舟寒燈雙樹空濛見瑞靄諸天積翠浮鞍馬向西歸興動不應歌舞更淹留

賦得劣崩雲

錢仲宜

靈境高層逼上台幽亭縹緲白雲堆天風不散秋陰積海宇初殘夕照開靄靄經簷浮薄霧溶溶繞棟隱輕雷遠公廬阜遊應徧飛錫還從此地來

鼓山志

卷十二

十

鼓山寺

高恭

梵宮高枕碧芙蓉蘿逕迢迢紫翠重萬壑泉驚秋後冷五更鐘報日初紅粵城俯視旌旗動海國遙知禮樂同老眼欲窮千里外題詩鳳沼倚天風

遊鼓山寺

鄭憲

閩縣人通判

島嶼迎寒暝靄浮珠宮勝槩喜追遊鐘殘月上旗峰雨一派銀光淡復濃故壘風煙猶在日碧巖仙跡本無蹤憑闌天地虛今古控鶴還將訪赤松

遊鼓山

王應山

理策言尋古刹幽三春花樹總疑秋諸天頂禮黃金  
相衆壑喧爭白玉流蠟屐尚懸雲外想風幡不散雨  
中愁山當震旦須開霽宵許清尊十日留

憇靈源洞

謝汝韶

長樂人  
長史

靈源洞口石巉巖九折盤紆喝水巖八角蒲菴封碧  
蘚幾重蘿幌抱青杉龍頭噴玉纓堪濯鳳尾遺基莽  
未芟乘興不辭登劣崩白雲鬢鬣半山銜

訂徐惟和惟起遊鼓山

周如埴

莆田人

擬攜短策訪山靈遙望千峰列翠屏居士應供香積  
鼓山志

卷十二

士

飯頭陀自演法華經塔前有樹存僧臘海上無家寄  
客星誰道周顛會似佛塵心猶覺逐浮萍

鼓山大頂

吳正理

徽州人

巾服飄然似道流秋風吹上鼓山頭鐘聲未盡日先  
出雲氣忽來山欲浮瀚海帆檣飛絕域榕城烽火類  
邊州兵戈西北還翹首獨倚崔嵬賦四愁

登大頂

蕭世濟

侯官人

絕頂高風吹亂秋乾坤竒勝望中收濤聲寒湧千江  
怒山色晴分萬壑流閩越無諸猶霸氣靈源有洞自

仙邱艱難霜鬢何須恨掃石題詩紀壯遊

登劣崩峰草投蘭若

陳椿

登臨已是逼諸天翠靄浮空島嶼連江塹馬頭遙比帶石蹲鼇輦小於拳流雲半出層巖下飛鳥全低落照邊向夕傳燈戀香界閒房何處可棲禪

遊靈源洞

趙世顯

洞入靈源景倍幽山橋寶地足遨遊滿林秋草同僧寂一路天花散客愁恠石晝懸蒼樹迴飛泉晴帶白雲流斜陽未盡登臨興更欲乘風到上頭

鼓山志

卷十二

三

登鼓山絕頂望海

空山岑寂客來稀千仞峰頭一振衣滄海霧消諸島出碧天秋淨片鴻飛巖頭古樹籠斜徑竹外清泉瀉落暉幾欲驂鸞從此去東溟遍覽十洲歸

遊鼓山

陳鳴鶴

棹停山外入山遊積翠千重到上頭展下雲光常帶雨道傍樹色半含秋澗香僧洗天厨鉢林響鐘鳴淨土樓爲愛此中多逸興凡心銷盡久淹留

劣崩峰晚眺

絕磴千盤躡屐遲微茫萬里夕陽時山連西北環閩  
越水盡東南控島夷鳥外帆檣歸雜沓煙中邑里列  
參差浮雲不蔽孤峰日細讀徐卿喜雨辭

靈源洞

洞門長日閉松楸西澗無聲水逆流雲冷綠池神雀  
去月孤深樹白猿愁雙林莫惜連朝住百歲能知幾  
度遊滿壁題名苔翳盡閒來磨洗辨銀鈎

鼓山茶園

磴險林深一徑斜忽聞雞犬見人家半巖結屋還依  
鼓山志

卷十二

三

登劣崩峰

林世吉

尋壑經秋蒼翠深仙梯百丈控危岑尊壘喜遂山中  
約泉石偏宜物外心元鹿眠雲當玉洞丹霞夾日護  
瑤林醉來試把匏笙弄吹落人間鸞鳳音

宿鼓山寺

陳仲溱 懷安人

寒燈寂寂掩禪房絕壑松濤入夜涼春鳥啼殘孤嶂  
月暮雲濕斷半爐香磬傳空界僧歸院寺隱深林虎

近牀曙色漸分山漸出千重煙樹鬱蒼蒼

經鼓山廢寺

寒花落遍講經筵寶刹灰殘六十年鳥下空廊人寂  
寂猿啼香積草芊芊壇移貝葉印芳蘚座隱金蓮分  
暮煙破衲斷瓢寥落甚春風春雨更凄然

經鼓山廢寺

陳宏巳

絕頂登臨落日回半山蕭瑟不勝哀寺經火後無僧  
住路入雲中少客來九月野花開似菊千年石柱化  
爲苔空門生滅元如此何問咸陽幾劫灰

鼓山志

卷十二

古

重遊喝水巖

萬歷甲申年夏

徐燧

古洞盤旋紫翠間洞門常借白雲關虛瓢掛樹舊僧  
隱昏磬出林飛鳥還路到窮時尤巖磔泉經喝後不  
潺湲當年舊社成陳迹春雨春花點地斑

宿鼓山寺方丈二首

萬歷甲午年春

維摩丈室絕塵氛坐對珠龕演梵文松際窺人孤嶂  
月山中留客半牀雲疎鐘出寺過林隱恠鳥啼春徹  
夜聞真性由來愛空寂名香親向殿前焚

其二

孤峰天畔削芙蓉，入夜遙看紫翠重。  
一片禪心千澗水，五更殘夢數聲鐘。  
雲生淨土龍歸鉢，露冷空壇鶴淚松。  
借宿僧寮經幾度，蒼苔埋却舊遊踪。

宿鼓山寺

馬歛 懷安人

禪房深閉絕囂氛，寶篆煙銷正夜分。  
高樹猿啼初落月，小樓僧定忽歸雲。  
飄飄幡影燈前見，滴瀝泉聲枕上聞。  
塵夢不關心似水，獨餘花雨散氤氳。

同謝在杭遊白雲洞

石門三度路欹傾，空翠氤氳撲面生。  
樹隱巖中無落鼓，山志 卷十二 圭

葉水流峰外，但聞聲穿雲古。  
洞荷衣濕透，月寒窓鶴夢清。  
夜靜上方鐘磬響，妙高峰頂一燈明。

其二

曙色蒼茫一望遙，危峰高瞰海門潮。  
半空人語隨風杳，清晝爐煙逐霧消。  
石室拍聲松子落，竹厨泉溜茗香飄。  
短筇徒倚芙蓉頂，欲挾天孫到碧霄。

登大頂

劉于 廬陵人

石磴通霄鬱古松，禪林日暮遞疎鐘。  
月華近落滄溟水，雲氣高浮巖嶺峰。  
地控諸番分島嶼，潮生巨海混

魚龍古來墨客多題咏字結蛟螭翠蘚封

題鼓山寺

王

鈍 太康人福建參議

上人飛錫來靈谷我老羸駒到鼓山相約恍如成宿契傍觀疑似學偷閒靈源洞古烟蘿繞鳴水巖空雨蘚斑他日塵緣能解脫也應來此叩禪關

遊鼓山

陳壽卿 長樂人

石磴攀緣上九天同人環珮喜相連招提更在空青外祇樹遙分紫翠邊花落苔香隨鳥啄雲深洞古任龍眠自慚飄泊紅塵裏何日從師一問禪

鼓山志

卷十二

夫

和孫廉使遊鼓山

鍾元長

名耆德以字行閩人

梵王宮殿倚晴空犖犖羣山駐鐵驄月色不流滄海水鐘聲長度石門風超凡閣冷朝霞外浴鳳池寒夕照中前後登臨爲惆悵惟餘山色古今同

遊鼓山

黃志

天風吹送上方遊松檜森森夾道幽樓閣巍峩烟霧曉江山渺漭水雲秋崩峰擁附摩空聳闔水迴環倒海流若得塵囂能脫却結茆傍石日淹留

鼓山超凡閣

釋至剛



鼓山寺裏超凡閣暇日登臨興浩然靈運未先能作  
佛老坡漫爾欲登仙雲峰環繞開圖畫天籟于禺奏  
管絃凡聖本來無二致海天月上一般圓

### 鼓山

聶思敬

南城人福  
建試官

鼓山蒼翠路難分梵宇巍峩倚白雲松影却驚隨地  
滿鐘聲渾似半空聞石門斜日催歸興靈洞清風絕  
俗氛昔日曾聞今日翫高秋吟思漫紛紛

### 遊鼓山

王堅

長樂人  
僉事

粵江南去郡城隈劣崩東連紫翠開萬里烟雲浮海  
鼓山志

### 卷十二

七

島九天金碧現樓臺石門路向松關出喝水源從鳳  
沼來自嘆此身還衣繡無繇聽法坐莓苔

### 登鼓山

李文榮

嘉興人福  
建叅議

每聞勝境實奇哉遊眺渾疑圖畫開疊嶂萬層青可  
掬長松千尺翠堪栽投林飛鳥從高下出岫閒雲自  
去來今日登臨無限趣更求何地是蓬萊

### 鼓山送別

林

慈

長樂人國  
子博士

化城祇樹接人天萬壑千巖紫翠連薄暮猿聲啼不  
盡新年草色入無邊靜聞仙梵花前度醉盃朋簪石

上眠明日又登金馬去何因此地共談禪

登鼓山

王勝

合肥人福  
建都指揮

千巖萬壑步烟霞樹杪逶迤古道賒  
柿葉凋時猿獻菓松風動處鳥啣花  
天連海外三千界地俯城中十萬家  
此日勝遊臨絕頂幾回翹首望京華

公暇偕叅政楊公遊鼓山寺步魯齊王叅知韻

時末樂乙酉三月

李

燭餘杭人福  
建叅政

聯轡來遊寶刹間梵王宮殿護蒼山  
焚香未論三生寂者著何妨半日閒  
瞰海題名遺墨跡懸巖絕味雜

鼓山志

卷十二

六

苔斑春風花鳥如相識常在棲禪秘密間

遊鼓山

陳

顥長樂人  
僉事

對酒平臨百尺欄倚欄吟望海天寬  
雲連樹色兼秋遠風帶濤聲入夢寒  
竹逕泉香馴鳥下石牀花落老僧閒  
登臨不是耽吟賞浮世重期勝會難

重遊鼓山

步入松陰十里苔寺開天半絕凡埃  
靈源翠接秋天遠大頂雲隨暮雨來  
萍梗自憐如夢幻琴尊共喜客懷開  
凭高更覺心如洗下視螺江水一杯

遊鼓山

邵

銅

閩縣人知府

象山環抱樹重重路入烟霞杳靄中金殿孤撐凌絕巘石門雙峙聳晴空靈源冷透千巖碧古木陰森萬壑風自愧塵勞羈絆久難將身世問禪翁

鼓山

李

顥

博羅人福建參政

古寺朝登宿霧開悠然風景勝天台香飄栢子禪經動濤響松梢鶴夢迴高嶂連雲青挿漢飛泉落澗冷侵台坐來頓覺精神爽一笑天風滿石臺

遊鼓山

李

偉

臨淄人福建巡按

鼓山志

卷十二

九

山寺尋春野趣幽况逢仙侶更同遊曇花世界隣三島祇樹樓臺擬十洲天盡滄波窮粵國雲開絕頂見琉球觀風詢俗慙何補且飲醍醐坐石頭

陪李直指登鼓山

鄒

昱

成都人福建布政使

承平百粵事應稀適興同君陟翠微馴鳥如迎仙客至曇花故繞定僧飛峰頭曉日明朱戟洞口春雲拂繡衣如此清輝看不厭令人惆悵澹忘歸

登劣崩峰

劣崩峰高紫翠深閒隨飛錫到雲林橋邊草露沾行

屐磳外松風度梵音霄漢昔勞青嶂夢烟霞今遂白  
頭心忘形共了三生約蓮社相過日抱琴

鼓山贈明上人 二首

桂同德 慈谿人

石磴縈紆入翠微參差樓閣畫屏圍神工夙啓靈山  
域妙語重參聖箭機千古乾坤留勝槩一天風雨洗  
炎威香泉煮茗論文久但覺清涼襲客衣

其二

兩載論交道味濃別來遠想對三松近聞杖錫遊京  
國忽報承恩住鼓峰里父遠迎誇衣錦禪流爭集聽  
鼓山志 卷十二 三  
鳴鐘閩關迢遞重雲外何日林間一笑逢

鼓山

張士諤 瑞安人福  
建試官

蕭瑟西風已暮秋三年得遂鼓山遊日籠樓閣金如  
洗雨過峰巒翠欲流萬頃雲濤聯渤海一毫烟島見  
琉球舉頭咫尺天門近兩腋清風不少留

宿湧泉寺

彭春 蘇州人

海霞飛上嶺頭松下界時聞出定鐘寶刹凌空超萬  
象香林積翠擁雙峰啣花每見聽經鹿臥鉢猶存護  
法龍久欲攀躋應未暇蒼苔滿逕白雲封

陪陳直指遊鼓山

楊

珏

海人福  
廷按察使

絕頂高深梵宇開  
登登雲路逼三台  
靈源洞裏源長在  
喝水巖邊水自迴  
僧舍拂簷皆碧樹  
山亭引徑遍蒼苔  
老僧細語空門妙  
幾度天花墮露臺

陪陳直指遊鼓山

曾蒙簡

泰和人福  
建參政

青蓮坐穩殿門開  
白玉毫光接上台  
鐘鼓數聲山杳靄  
松杉十里路縈迴  
老僧騎虎遊何處  
仙客乘驄踏古苔  
康樂平生有佳興  
翻經直造遠公臺

遊鼓山

陳智

鼓山志

卷十二

三

天風吹我上招提  
一路飛花趁馬蹄  
當道豺狼皆竄伏  
隔林猿鶴自幽棲  
目瞻山海八荒豁  
氣壓虹霓萬象低  
絕頂更隣霄漢近  
巍然石磴是仙梯

劣崩峰晚眺

陳輝

乘幽獨上最高峰  
澤海山河四望同  
島嶼潮來天接水  
海門日落樹連空  
僧歸遠寺疎鐘後  
木落寒山積雨中  
更向巖前一長嘯  
松濤十里送秋風

陪王袁二御史遊鼓山

久慕情遊到此山  
幸陪驄馬一躋攀  
半空樓閣諸天

外大地山河落照間巖湧曲泉通石澗雲隨飛鳥下  
松關繡衣遍覽留題去林壑生風振珮環

登鼓山

劉

敷

未新人福  
建布政使

天風吹我上山巔遐眺滄茫思渺然金刹高臨飛鳥  
外瑯峰迴出夕陽邊掃苔細讀題詩壁滄茗頻斟卓  
錫泉坐久不知歸路晚前溪明月已娟娟

湧泉遲劉阮二君從大頂還不至戲柬二首

游明

聞說仙源有路通偶因劉阮訪遺蹤穿雲不避巉巖

鼓山志

卷十二

三

石乘興還登劣崩峰鳥外遙空連渤海山頭紅日下  
高春一時悞作天台境流水桃花思幾重

其二

步入靈源一逕通白雲深處覓仙蹤隨緣且飽胡麻  
飯縱目須登大頂峰瀛海微茫聞越小烟霞杳靄夕  
陽春却思晨肇當年事知在天台第幾重

靈源洞

釋古鑑

西風林葉滿山飛片片晴霞綴衲衣泉咽靈巖如有  
意雲閒幽壑自忘機虛亭霧鎖欄杆濕古洞苔封磴

路微世事悠悠誰可道幾人來此坐忘歸

鼓山

杜庠 吳縣人進士

尋到僧房扣竹扃鳥鳴花裏喚人醒石泉寒浸松杉翠海國微分島嶼青水月靜中神宴室天風高處晦翁亭登臨讀徧前朝字徒倚危闌對晚汀

鼓山

嚴端 寧波人兵部員外郎

羊腸爲路石爲峰樓閣參差知幾重遊客應愁蒼蘚滑定僧每受白雲封人誇子直新詩句我愛文公舊筆蹤落日可憐留不住躋攀未盡已鳴鐘

鼓山志

卷十二

三

大頂峰

韓文

鼓峰聳翠插晴空絕頂登臨鳥道通日出扶桑鳴彩鳳雲開蓬島隱仙翁海潮來往波濤外山色有無烟雨中風送天香攜滿袖恍疑身在廣寒宮

靈源洞

周熊 閩縣人刑部員外郎

偶移勝步入靈源仙跡忘歸石尚存喝水荒涼封碧蘚湧泉清冷逼芳尊高僧遙指觀滄海狂客長歌倚石門讀徧古碑下山去松蘿隱隱日黃昏

成化庚寅春遊鼓山

楊成 閩縣人御史

石路無塵野思清  
春風扶杖薜蘿情  
雲邊萬樹高低出  
鳥外羣峰遠近明  
過客留題巖有篆  
老僧入定澗無聲  
夜深更向招提宿  
十里東林片月生

登鼓山

王

俊

閩縣人  
參政

名山勝迹千年在  
半世浮生此日來  
松徑樹多長礙日  
石巖字古寢生苔  
泉移喝水空巖靜  
雲散靈源古洞開  
薄暮天風何處起  
逢逢東際海濤迴

登大頂峰

三首

林謹夫

閩縣人  
同知

備得仙家萬丈梯  
嵯峨絕頂等閒躋  
東臨大海三山鼓  
山志  
小北望中原五岳低  
巖谷昔時傳勝槩  
乾坤此日見端倪  
黃公舊隱無尋處  
雲滿空林水滿溪

卷十一

三

其二

振衣空際氣橫秋  
絕勝匡廬頂上遊  
對酒俯看飛鳥背  
揮毫低拂宿雲頭  
天連海外浮三島  
地擁閩中控八州  
長嘯一聲巖石墮  
清風萬壑響颼颼

其三

攀盡垂蘿逕路賒  
俯臨空濶浩無涯  
江浮客貨三千舶  
城擁人烟十萬家  
迥野霜催鷹勢疾  
遙天雲逐鴈



行斜仙翁一去無消息巖桂開殘幾樹花

鼓山和王寅夫 四首

鄭瓘 浙江人闕學訓導

昔曾與客一扶筇縹渺乘雲上碧峰  
醜石吼風雄萬虎老松擎雨戰羣龍  
半巖瀑布垂千尺絕頂亭臺矗  
幾重遠想山容應似舊落花深掩鹿麋蹤

其二

禪心久已厭塵氛忽復名山看夕曛  
峰戟摩天遐邇見海濤動地古今聞  
老松巢鶴枯生箇野鹿啣花濕帶雲  
剔盡莓苔尋古蹟巖頭閒立石將軍

鼓山志

卷十二

五

其三

上界鐘聲度嶺聞爐香嵐氣共氤氳  
掠牀有影窓過鳥壓屋無聲樹墜雲  
地帶七閩臨海盡泉流一派出山分  
何時攜酒重登眺嘯發天風醉落曛

其四

名山十樹九藤纏山寺分明別一天  
草臥斷碑猶數字巖名喝水是何年  
雨餘雲失龍歸海茶沸聲驚鶴避烟  
旅食閩中經幾載塵纓一度濯清泉

鼓山

潘禎 六安人福建副使

羣公清暇出郊坰古刹竒觀已遍經龍洞泉流飛素  
練鳳池山色接空青村醪春瀉黃柑美野飯晨炊綠  
芋馨直上層巔舒望眼沈寥天外羨鴻溟

宏治丙辰秋偕蔣陳二方伯朱憲長遊鼓山寺

韓紹宗

朝邑人福建僉事

曠日追陪郭外行扶桑日近接蓬瀛四圍壁立疑無  
路一帶泉流忽有聲酒醉還妨山鬼笑詩成又恐海  
神驚留連不盡登臨興回首分明是畫屏

鼓山

林

瀚

閩縣人兵部尚書

鼓山志

卷十二

三

藤蘿絡石手攀緣直上崑崙太華巔壁立屏風千丈  
起泉聲瀑布半空懸登臨逸興追安石題品雄才耦  
大年誰道海濱洙泗地山川孕秀不生賢

鼓山

林

宗

懷安人知縣

劣削閩南第一峰梵王官殿倚層空雲歸石洞千山  
霽霜染林楓萬葉紅烟火隔江通地脉松濤入海響  
天風醉來不盡登臨意碧落晴霞幾點鴻

鼓山

鄭汝美

招提高聳九霄間滿眼新詩半在山春色無情花落

去夕陽有信鳥飛還靈源洞口泉猶白  
喝水巖頭蘇已斑勝賞百年知有幾  
奚奴囊裏莫空慳

鼓山

蔡天祐

睢州人福  
建僉事

獨立青霄望海東飄然萬里御天風  
潮聲乍湧春雷壯雲氣輕籠曉日紅  
秦帝石邊蓬島隔越王臺上綺蘿空  
徘徊覽勝兼懷古歸路林鴉度夕鐘

題白雲亭

周宣

莆田人  
布政使

十日春山兩度遊坐臨平野思悠悠  
城烟近帶千山雨島樹寒生六月秋  
塵夢豈知滄海變野心直被白雲留  
便須跨此天風去飛上孤峰最上頭

鼓山志

卷十二

三

鼓山

林

璿

閩縣人苑  
馬寺卿

大頂峰高石徑斜半山亭小坐烹茶卓  
泉不復聞飛錫說法空傳見雨花風籟  
竹間鳴珮璃雲衣樹杪挂袈裟同遊賴  
有金陵契時出新詩闢彩霞

登鼓山

張天顯

閩縣人  
教授

勝日尋幽古寺來松風吹冷法王臺  
雲中一水白飛林鳥外數峰蒼點苔  
影落曇花僧已老聲傳法錫鶴山扶筇  
頻步天池望萬國無塵心眼開

寄靈源宣禪師

千年詩夢繞靈源今日相看尚白雲  
羅漢泉頭清見底將軍石畔綠成屯  
鶴飛曾動西峰錫苔老應留舊雨痕  
却憶解衣真盛事題函愧接大巔論

遊鼓山

周進隆

莆田人  
布政使

分出崑崙第一支危峰劣削奠坤維  
清幽北看過三島峭拔西瞻壓九疑  
喝水湧泉巖向背潛龍浴鳳路  
透迤海濤直透風松裏八極乘雲亦可馳

陪林見素都憲遊鼓山

謝廷柱

長樂人  
僉事

鼓山志

卷十二

天

羣公多暇趁春朝為愛清遊近紫霄  
風送亂松喧澗道雲生絕壁礙星杓  
前朝霸業龍臺古隔海仙山鶴馭遙  
此日憑高瞻北極西南妖祲喜全消

遊鼓山

鄭

紀

仙遊人  
戶部尚書

十里松關石作臺琳宮遙向紫霄開  
雲拖雨脚日邊去風捲海濤天上來  
喝水巖泉迴九湧靈源洞樹接三台  
八閩佳景望中盡老我登臨一快哉

寒食與傅子登鼓山

鄭善夫

絕頂天風雲亂飛海門高浪拍春衣  
霸圖王氣東南

盡堯韭秦花天漢稀此地賞心惟汝共萬方愁目欲  
何依要知寒食山中意萍梗江湖幾是非

遊鼓山

傅汝舟

徙倚蒼巔看海東下方無地不驚風茗杯初泛松花  
綠丹竈曾燒柿葉紅吊古有懷應拜石憑高無計欲  
書空俗情更覺雲林遠來聽晨雞與暮鐘

從汪郡公登鼓山值雨駐小頂

天入翠宮低窈窕洞迴滄海倒龍嵒山林到處宜狂  
客風雨閒遊接上公共倚短筇千澗底獨穿高木萬  
鼓山志

卷十二

无

烟中觀濤更進雲邊酒待月思眠石上楓

酌大頂峰

大頂崔嵬星漢邊亂峰低落酒杯前三洲波浪搖寒  
日四野山河起靜烟異域獨驚浮海客長林遺恨渡  
江年

峰外林浦宋  
端宗曾駐驂

高風况復飛黃葉共羨冥鴻入遠

天

鼓山白雲湧泉寺災感而有作併序

黃用中

鼓山傑勝實背予居古寺幽巖尤多雅况向曾

憑僧習靜擁卷禪房飽飫烟雲遐澄神慮自風  
埃易念林壑長違染紫沾紅身世總憐籠內漱  
泉憇石夢魂每戀松間比壬寅二月之十三日  
也予病煩不寐夜起披衣遠焰燭梁開櫺駭視  
則近峰漲火紅障東南矣初謂樵兒舉燎遺熾  
荆榛雖恐延魚未爲深念迨曉鄉人來告謂寺  
已焚駭嘆交生扶病走視則簷箱胥泯煨燼猶  
噓唯一二殘僧對予隕涕而已興悲無極漫有  
短章用敘所由備遺歲月

鼓山志

卷十二

三

白雲古寺枕巖隈把酒看山幾往迴一夜狂飈噓烈  
焰千年靈跡化飛灰荒涼滿眼無僧住瓦礫盈庭有  
鹿來從此登臨俱草莽繁華銷歇不勝哀

同林天瑞遊鼓山

頻年江海厭飄颻山寺重過思轉饒光射龍湫巖湧  
日潤蒸鼇背海生潮垂帷已願同元豹歌鋏還教敝  
黑貂總爲遐心辜 聖代寂寥桂樹漫相招

遊鼓山

林庭模

閩縣人  
同知

偶隨芳草訪禪關乘興還登萬仞山黃鳥有情留客

醉白雲無恙伴僧閒竹籬春暮花獨媚茶竈烟消鶴  
自還不識舊遊題咏句也曾籠入碧紗間

登鼓山絕頂望海

龔用卿

迢迢石磴上雲霄隱隱風聲聽海潮瀟灑自多邱壑  
意登臨何惜馬蹄遙波光映日龜鼈出霧氣浮空龍  
蜃驕便欲乘桴從此去相期蓬島迓松喬

遊鼓山用江僉憲韻

聞中惟有此山高石鼓峻嶒徑路遙萬壑林間浮翠  
靄一峰天外樹孤標烟濛島嶼名難識雨過青蒼色  
鼓山志

卷十二

三

自饒絕頂振衣溟海濶五雲深處見皇朝

其二

仙嶠九盤星漢近丹梯萬疊海雲長氣蒸澤國吞溟  
渤勢撼乾坤接混茫白練橫川沉雨色赤霞含日動  
江光憑高欲借凌風翼笑拍洪巖天際翔

遊鼓山

盤雲古路凌滄海背日高峰擁碧林萬里風烟生羽  
翰三春花樹洽衣襟禪棲物候原空寂曠達遊蹤自  
古今絕頂目窮飛鳥外中天人在翠微岑

鼓山

林

恕

長樂人按察使

石鼓崔嵬倚碧霄，山青雲白水迢迢。杖藜散步清溪月，欹枕遙聽靜夜潮。一榻曉鐘來野寺，數聲秋笛起漁樵。自從滇海歸來日，五斗應無更折腰。

喝水巖

老衲何年臥此巖，潺湲深處結雲龕。谿迴遠徙蒼虬窟，洞巧渾成碧玉函。色相久隨塵共寂，禪心真與靜相涵。一瓢欲借寒流沫，洗却浮生醉夢酣。

遊鼓山

何

御

福清人轉運使

鼓山志

卷十二

三

不到茲山二十年，招攜今始拜金仙。乾坤泱泱酒杯外，日月迴旋襟帶前。碣石猶能撐北極，崑崙何用蔽西天。禪門色相都空寂，愧向摩騰禮法筵。

白雲洞

二首

陳

省

水簾洞好步平上，方廣巖竒車可容。徑峭獨看茲路最，地高盡見遠山重。川原南去無諸郭，青翠西來劣崩峰。獨立宛然飛錫至，何須天竺問禪宗。

其二

石為屋蓋木為門，入叩慈悲大士尊。色相眼中空已



盡峰巒檻外勢如蹲僧供舍利燒茶竈客爲竒遊載  
酒樽滿酌數杯懷更壯不堪山色欲黃昏

登鼓山絕頂觀朱子書

陳文燭

沔陽人福  
建布政使

物候偏驚春正初偶眈竒勝一停車參差霧隱江流  
合突兀霞生海氣舒象外薜蘿疑是幻望中城郭憶  
無諸山靈亦愛名賢迹常有風雲護法書

登鼓山觀朱子書

王世懋

靈鷲何年障海來振衣今日陟崔嵬青山忽放雙江  
合紫霧徐將萬壑開水上鞭黿秦帝石空中結蜃越  
鼓山志

卷十二

三

王臺捫碑共仰先賢蹟覓句誰憐異代才

劣崩峰

王毓德

候官人

竹杖隨雲渡石橋秋高落木鳥邊遙眼空世界窮三  
島手挽星辰傍九霄巖溜晴飛山寺雨鐘聲夜合海  
門潮結廬願得長棲隱叢桂淮南豈待招

九日登鼓山

黃似華

內江人福  
州知府

峰巒竦立鬱龍嵒鼇鼓星旗勢更雄只漫振衣千仞  
上恍如倚劍五戎中長江砥柱滌金馬壘嶂懸泉閃  
玉虹休道天風能落帽不妨醅酌菊花叢

戊申仲秋五日同徐興公謝在杭蔣子才宿靈

源洞

周千秋 莆田人

涸澗迴環夾翠屏松門斜對水雲亭短橋客臥藤蘿  
月小院僧翻貝葉經洞口啼猿村樹曉山腰過虎谷  
風腥相將掃却巖頭石莫使蒼苔沒古銘

湧泉廢寺

徐 勳

寺經樵火久銷亡古道秋風蔓草荒廢殿有基崩夜  
雨斷碑無字臥斜陽遊人借宿茅茨裏田父來耕瓦  
礫傍試問前朝布金地老僧垂淚說南唐

鼓山志

卷十二

三

戊申仲秋五日同周喬卿謝在杭蔣子才宿靈

源洞時兒陸侍行

古洞重來禮石壇舊時遊侶半凋殘空林閣雨峰千  
疊絕磴梯雲路百盤澗底松泉隨客飲壁間苔篆領  
兒看數聲啼鳥秋煙外瓦枕蘿茵午夢寒

宿鼓山下寺

明月含輝照廣庭亂峰低壓寺門青佛堂夜靜鳴寒  
磬僧塔年深折舊銘淨室獨關雲漠漠香厨遙引瀑  
泠泠半龕碧影秋燈寂一榻烟霞臥不醒

經普度寺故址

禪林頽廢幾何年故址荒蕪鎖暮烟舊塔伐爲鋪路  
石古碑磨作甃墳磚夜深魍魎窺人語日落狐狸抱  
子眠莫嘆空門易消歇由來滄海亦桑田

同汝交至鳳池宣遠不能從是日立秋

嶽嶽鳥道歷千盤蘭若遙開碧漢端池涸久無丹鳳  
浴松高長有翠龍蟠耽吟老友同遊懶乞食貧僧獨  
住難最是山深涼氣早風來先覺袷衣寒

九月登鼓山經廢寺

謝肇淛

鼓山志

卷十二

三

四壁霜飛猿嘯哀風高木落氣悲哉江南秋色關河  
動海上浮雲天地迴幾字殘碑眠亂草千年流水注  
空臺山邱人代成今古萬事傷心涕淚催

登大頂峰

咫尺清都近可攀濤聲秋色老空山蟻封隱見迷千  
雉螺髻微茫指百蠻絕壁刺天無鳥度半巖採藥有  
僧還東南霸業蕭條盡流水荒臺石蘚斑

雨中宿鼓山下院同徐興公周喬卿蔣子才

上方寂寂鎖蒼藤門掩雙峰最上層半嶺松濤千嶂

雨數行香篆一龕燈寒潮應月喧殘寺獨鶴眠雲伴  
老僧塵夢欲醒鐘磬動頓令心地冷如冰

靈源洞荅徐興公

鷲鰲橋上鴈聲哀極目平蒿古殿灰幽洞忽排山罅  
入小菴斜倚石門開題殘蒼蘚看難辨唱後靈泉去  
不迴十九年前曾宿處佛燈猶照講經臺

鼓山寺

朱宏演 建陽人

萬壑松風落日催芒鞋踏遍翠微迴疎林鳥定知樵  
去梵宇鐘鳴報客來四壁氤氳雲出袖一杯搖落月

鼓山志

卷十二

美

登臺比丘指點前朝事無數殘碑臥綠苔

過湧泉廢寺

袁敬烈

斜陽峻嶺路千盤欲借禪棲去住難歲久蘚蕪埋斷  
碣夜深狐兔走空壇迴風大海潮聲應落葉秋山鴈  
影寒莫向人間嘆興廢琳宮寶刹亦凋殘

湧泉廢寺

謝兆申 邵武人

何年闢地布黃金詎意飛灰滅古今杳杳孤雲依殿  
冷萋萋荒草沒堦深遙憐神晏開山處那識閩王施  
寶林俯仰興亡只如此遊人誰與叩禪心

湧泉廢寺

曹學佺

半嶺猶存古寺名空林惟有湧泉聲僧從破屋雲邊  
住客向迴廊草裏行講席虛無山月在齋鐘寂寞海  
潮生布金知是何年地更覓殘灰作化城

湧泉廢寺

鄭邦祥 閩縣人

獨倚峻嶒望渺然興哀塵跡總堪憐迴廊夜嘯寒猿  
月廢殿秋生亂草烟饑鳥尚隨清磬下殘僧空傍白  
雲眠何人重布黃金地勝業銷沉七十年

登鼓山

鼓山志

卷十二

三

禪房古木翠紛紛寶鼎梅檀晝自焚貝葉曉沾祇樹  
火夜雨空廊見鬼燈舊種松杉巢野鶴別營茅屋住  
巖僧無人更布黃金地滿目殘灰冷不勝

遊湧泉寺

陳仲進 長樂人江  
山知縣

萬仞岡頭紫翠圍白雲流水護柴扉石爐火冷僧初  
定野徑苔荒客到稀遶砌山泉浮漱灑隔江雲樹入  
霏微我來豈是參禪者祇倚長松看鶴飛

登男崩峰

鄭遷 閩縣人  
通判

男崩峰高俯八垓長風千里送秋哀忽看龍向潭中

起何處人從雲際來萬井烟花開越國三山蘿月帶  
仙臺東南夷島皆臣伏底定誰稱濟世才

登鼓山絕頂

邵傅

踏石捫蘿邇碧空嶙嶒高壓萬峰雄日斜海外生殘  
靄雨過天西送晚風吳市練光遙辨馬歐池劍氣欲  
成虹吟邊咫尺銀河路不待仙槎八月通

登鼓山

葉向高

巖崩峰高俯十洲白蘋寒渚海天秋潮聲近向巖前  
落蜃氣遙從島外浮平野蒼烟迷故壘夕陽紅樹帶  
鼓山志 卷十二 三  
殘流摩巖讀遍前朝字乘興還登最上頭

登鼓山

徐用檢

春遊晴雨未堪分萬樹先風破曉氛牛斗定開雙劍  
氣山靈應待五花文恍疑泛海岡連霧不盡攀蘿步  
入雲老去興來孤瑟在試歌盤石共君醺

春日遊鼓山

施德政

太倉人福  
建都督

朝攜蠟屐破蒼烟踏徧晴巒聽杜鵑興到直窮樵子  
徑歇來還問老僧禪波明日下三千國石削雲根尺  
五天歸去乘潮江月白夜深款乃鼓碇船

蔡都閩邀登鼓山

陸卿任

雨過看山足勝遊雲開絕壁翠俱浮  
山花媚客都含笑谷鳥迎人似喚儔  
蠟屐漫將臨仄徑詩脾欣得漱清流  
籃輿不盡探竒興載躡層峰到上頭

其二

峭壁峻嶒徑自通扶筇穿翠訪支公  
窻飛積雨千山瀑門捲寒濤萬樹風  
前代題名文半泐神僧喝水迹難窮  
晚來獨坐孤亭上絕勝溪山集眼中

其三

鼓山志

卷十二

五

千尋劣削勢龍從呼吸能令帝座通  
雲起千山橫白練海連孤嶼見青空  
詩攜謝眺誰堪和嘯學孫登恨未工  
把酒欲狂頻拜石留題喜見考亭翁

同陸觀察遊鼓山四首

蔡時春

都司

綠巖穿翠訪靈源中有禪房好避喧  
客至石牀雲氣冷泉飛巖壁雪花翻  
千尋列岫環榕省一鑑晴空接海門  
乘暇登臨貪紀勝春山踏破舊苔痕

其二

探竒直上最高巔曲徑崎嶇萬磴懸  
沃日蒼茫千里

外歸雲縹緲一樽前  
薜蘿翠掩深秋色  
松檜寒侵欲暮天  
回首振衣諸嶂寂  
夕陽帆影落平川

其三

公餘漫接李膺遊  
花鳥迎人翠欲浮  
選韻愧投青玉案  
看山還訪白雲儔  
依微清梵穿林落  
濺沫飛泉入望流  
且喜今朝山雨霽  
扶筇更上最高頭

其四

橫斜一徑洞門通  
偷得餘閒謁遠公  
空翠遙含千嶂日  
疎鐘暗度一林風  
江浮雲影看難盡  
澗吼松濤聽不窮  
淨牖祇緣臨召瀑  
禪心沁入水聲中

鼓山志

卷十二

四

靈源洞

兩峰迴合石梁懸  
林際晴開一線天  
孤壑罡風吹蠟展  
一樽長日對鳴泉  
詩銘翠壁文終泐  
榻借山雲夢亦禪  
何日塵鞅能遠脫  
入林重叩遠公賢

湧泉廢寺

榛蕪何處望金仙  
靈跡空存卓錫泉  
穴壁妖狐時屢見  
燒林鬼火晝常然  
碑餘龜跗支荒草  
牆篆蝸涎立暝烟  
塵世劫灰難更問  
淒風零露自年年



劣崩峰二首

石路嶙峋草盡迷，捫蘿步步費攀躋。晴天杖底有雲起，竟日峰頭無鳥啼。一片白窺滄海近，四圍青抱衆山低。望鄉却借蒼梧道，奈可昏鴉亦向西。

其二

衣上煙霞乍有無，杖頭咫尺接天都。平臨北斗羣峰失，獨倚南天一柱孤。海外樓臺晴蜃出，霜前榛莽暮猿呼。攜來筆札無能賦，慚愧人稱是丈夫。

靈源洞

曾熙丙 閩縣人  
御史

鼓山志

卷十二

三

一勺幽深落紫烟，泠泠孤響滴何年。只言塵世多更換，不謂寒流亦變遷。色借空明留半壑，聲從風雨出諸天。幾回永夜消清夢，瓦枕茅房獨窅然。

遊鼓山

翁登彥 閩人  
舉人

靈源幽鬱自殊觀，步入危橋四望寬。鳥道清陰舒翠影，禪房野色遶青巒。尊前花氣風前度，烟裏林梢月裏看。自笑俗塵辜勝賞，何人吹動玉笙寒。

遊鼓山

龔懋墜

徜徉隨處訪名山，劣崩先尋咫尺間。瀑瀉雲中衝石

眼雨銷天外露烟鬟貪摩古篆忘巖險喜對金罍趁  
日閒歸去荷花江上路美人妬殺盪舟還

秋日洪汝舍中翰招遊鼓山靈源洞

林宏衍

招遊石鼓意剛同喜聽鐘聲出梵宮藉草仰窺松偃  
蓋倚欄遙望石連空泉飛古洞何年碧花發懸巖幾  
處紅夜靜振衣寒獨立一聲長嘯送天風

七夕後一日同興公遊鼓山及重九前一日又

同遊少憇廨院

鄭邦泰

鼓山志

卷十二

三

陶令頽然菊滿籬貪遊名勝又相期昨來鵲渡橋方  
斷今到龍山帽欲欹野外慣行觀物變院中暫憇得  
心知蒼頭攜搯穿雲去不向樵童問路岐

宿廨院

吳兆袞

半龕燈火隱禪房一榻閒眠借上方天際客魂清似  
水山中雲氣冷如霜松濤夜合千峰雨石洞烟銷數  
篆香鐘罷鳥啼殘夢醒簷頭旭日湧扶桑

靈源洞

窈窕幽岑倚碧霄一泓何去磻聲銷上方月照穿雲

衲別壑風吹掛樹瓢秋草故迷巖下路寒松時作枕  
邊潮當年一喝知何意未必真禪果避囂

湧泉廢寺

紺殿銷沉感不勝層巖還見碧峻嶒山泉尚湧鳴荒  
草石甃全欹翳古藤煙斷香厨無積供燈傳別院有  
殘僧黃金寶界終塵土何問人間幾廢興

遊鼓山

蔣奕芳

滿林楓葉帶秋酣磴道盤紆到自諳虎去空山猶有  
窟龍歸滄海已無潭泉聲出洞鳴寒玉雨氣沿溪起

鼓山志

卷十二

三

夕嵐却憶晏公會遯跡欲從巖畔結茅菴

題靈源洞

溼雲將雨畫淒淒醉挿黃花駐杖藜絕磴千尋飛白  
練危峰萬仞聳丹梯透迤仙洞煙霞暮縹緲人家橘  
柚低名筆幾多苔沒盡忘歸石上仍留題

宿靈源洞

黃逢祺

灌木層層鎖晚煙洞中間寂訝無泉月臨石壁窺人  
夢雲擁繩牀護客眠野鳥遠啼孤嶂外疎燈寒照一  
龕前塵緣安得咸消盡結屋炊藜古磻邊

宿鼓山寺

黃上元

踏遍峰巒到上方石欄斜掛薜蘿裳猿來壁下窺禪  
室鶴宿松頭近客牀千嶂泉聲寒夜月半龕燈影溼  
林霜塵心消盡空壇下海色天風入夢長

宿鼓山方丈

林應泰

嵯峨疊嶂敞祇林古木蒼蒼紺殿陰半壁蟲書芳蘚  
合千盤鳥道暮雲深山嵐作雨侵香積瀑水奔流雜  
梵音借得蒲團聊一宿明朝絕頂要登臨

靈源洞

鼓山志

卷十二

四

危峰絕壁落煙村別有靈源朝暮喧一帶蘿陰迷石  
罅千盤松翠護雲根芳洲脉脉分江渚遠樹茫茫接  
海門莫問湧泉興廢事亂山黃葉幾僧存

宿白雲廨院

陳颯

踏破松陰到上方白雲空在寺荒涼煙迷寒竈山僧  
寂風拍危巖木客狂夜靜露聲輕繞竹牕疎月影半  
窺牀遊人欲睡難成夢忽聽殘鐘出步廊

觀天風海濤亭

直上危岑蒼莽中南天一柱自龍嵒濤翻野島孤烟

外地控閩甌萬嶂東呼吸恍疑通象緯牢騷幾欲叩  
穹窿多因留有名賢蹟遊客登臨說晦翁

白雲廡院

林 滙

山門長倩白雲封百道流泉響澗松田沒更餘荒寺  
賦僧存久廢講堂鐘晨炊不繼厨烟冷夜雨初收野  
霧濃滿壁墨痕蝸蝕盡何須更問舊遊蹤

呈贈永公大師

有序

林之蕃

湧泉開山於五代國師神晏禪燈相繼凡七十餘  
代嘉靖中厄於回祿而寺遂鞠爲榛莽至天啓間

鼓山志

卷十二

五

博山無異和尚重開闢演法猶草昧乎林間樹下  
及未覺大師來主是山不起於座而百廢俱興棟  
宇翬飛金碧相映禪衲雲擁石鼓雷鳴衆咸以爲  
國師再來云

石鼓重開播祖風莊嚴殿閣碧霄中二時展鉢千僧  
靜半偈傳燈萬劫空岳頂雪明松影白海門日出浪  
花紅靈源不混諸流去豈用當年一喝功

吸江蘭若

一入空山萬慮灰閒花繚亂竹門開春風帆影長天

去月夜鐘聲隔院來四面憑虛雲外檻百年高臥石  
邊梅漫遊深得龐公趣吸盡江流不肯回

般若菴

石溜清泠洗見聞古松同瘦耐辛勤茅茨寬受千巖  
月簑笠深耕一壑雲秋熟鳥來沾佛供日晡牛歇聽  
經文山僧分內無餘事博飯栽田謝世氛

無諍居

路轉山迴鳥道迷忽逢峭壁覺天低桃花爛熳燃茅  
屋洞腹玲瓏響杖藜大地水田歸鉢裏小窓星斗掛  
鼓山志

卷十二

吳

峰西隨緣卓錫脩無諍新剔蒼苔認舊題

登劣崩峰二首

周亮工

曲澗幽濤落木稀高凌絕磴款禪扉長空雲捲潮平  
接下界風迴雨倒飛故里書難來鴈足勞人身會老  
漁磯七年踐盡千峰約底事炎方不肯歸

其二

滄波淼淼澹秋雯遙拍螺鬟逐嶺分萬磴松筠開岫  
月半山鐘磬落溪雲閒看老衲心無外悔到深山意  
倍紛欲滌塵襟叅妙偈泉聲未許靜中聞

右二詩先司農順治壬辰官閩方伯時偕大巡  
趙公臬長王公登巖崩峰之作也距今丙子四  
十五年矣秋七月浚再過閩南值八閩父老子  
弟思先司農舊澤請祀於學宮浚恭逢盛典奉  
主入祠禮成率孫男舜舉甥顧民望登山伏見  
白雲堂前先司農手題詩句敬錄於左以志歲  
月握筆舉首俯仰之間自達人觀之一刹那耳  
榮辱升沉又何足計請以質之爲公老和尚後  
之遊者觀此又添一重公案矣男在浚拜書

鼓山志

卷十二

巽

遊鼓山寺

楊乾

積翠千重石徑斜公餘偶爾到僧家  
出山活水鳴清澗繞寺蒼松映晚霞  
足下生雲情是幻耳邊啼鳥興偏奢  
真禪別有真空境笑語浮屠莫浪誇

曉登鼓山最高處觀日出

紅光湧耀浪重重照徹乾坤色更濃  
白虎有巖皆歛跡烏龍無水不潛蹤  
回看萬象隨時現俯視千山到處恭  
乘興欲遊三島去漫言此地最高峰

奉和遊鼓山寺

高其倬

閩浙總督

青峰影裏綠溪斜佛閣凌空衲子家地擅林泉延杖履客於襟韻帶煙霞遲留蓬閣因緣在扶植生靈願力誇自識神仙無上訣鹿車小果未須誇

奉和曉登鼓山最高處觀日出

危磴盤盤上百重五更寒重興偏濃海天初見羲和影雲嶠欣留謝傅蹤境地高時羣岫小光明遍處萬邦恭公扶元化同喬嶽寧數東南第一峰

鼓山爲八閩勝地煙嵐泱泱泉石噴薄宋時名賢來遊磨巖題壁者指不勝屈戊寅之夏余待

鼓山志

卷十二

哭

罪制使於勸農之便遂登其麓伏見先公與前制府高文良公唱和之什先公時任粵東巡撫奉

命來閩清理十郡要務校閱沿海軍營駐省數月公餘信宿山寺吟咏其間迄今三十二年矣小子

應琚荷

聖主之殊恩食先人之舊德拜誦之餘不知涕泗之何從也



登鼓山四首

錢唐 吳嗣富 鄭公 編修

澹入天光見素秋相邀同向鼓山遊千重翠黛晴猶濕萬畝黃雲宿未收已出郭門清籟發驟尋樵徑暗香浮速驅正喜無停軌便欲乘風到上頭

紫翠橫空一解顏登臨有興任躋攀攫身劣削雲中路決背琉球海外山龍首倒流泉韻遶龜趺半蝕墨痕斑年來已悟忘言妙此日噍情未肯刪

遊踪到處每稽疑緩步探幽壑所思喝水巖傳應是

渴楚越之間謂水之反流者為渴相沿作喝耳子房橋在定名圯寺外有子房橋

鼓山志

卷十二

彙

茶園似較松蘿勝石鼓何如桐敏奇鑿壁紛紛成往蹟山靈多恐笑余痴

雪泥鴻爪本飄然偶憇僧廬亦有緣法鼓曉催塵夢覺佛燈夜射慧心懸兩三日住樽常滿六七日來榻更連聞說登高能作賦大夫原是玉堂僊

劣削峰

閩縣 郭可敬 可敬 文學

劣削晴嵐翠幾重仙風吹上最高峰微茫遠浦低飛鳥縹緲寒松晚度鐘日落亂山攢虎豹烟開瀚海湧魚龍苔花不蝕名賢筆遠邁金泥玉檢封

白雲廡院

潘 耒

吳江人翰  
林僉討

暫歇藍輿步石梁院門古樹綠千章僧來雲壑衣衫  
潤客飯松陰几簟涼百道飛泉歸石澗一聲清磬出  
新篁人生豈合理塵土世味何如道味長

湧泉寺

陳星羲

纖塵不到白雲鄉殿閣嵯峨古佛場祇樹晝深啼鳥  
靜講堂風寂雨花香玉毫宛轉凌寒碧石磬參差帶  
夕陽欲學無生慚未得清煙一炷禮空王

晚春同維人和尚遊鼓山

鼓山志

卷十二

兜

自憐老至不知非猶喜相邀入翠微山爲有名遲客  
入雲因無力倚筇飛通霄路遠行方覺石鼓聲喧識  
者稀堪笑落花無棟擇隨風片片點人衣

禮鼓山晏國師塔

釋廣印

號聞谷

雪峰橫出一枝春五葉東南半壁新不許義龍輕一  
咳豈因鼯鼠發千鈞火珠深沒松龕翠石影猶傳水  
月神慧命懸絲今不斷猊牀已有誕生人

鼓山劣崩峰

太倉一粟渺吾蹤不道襟懷此日雄霄漢近書鴻鴈

字雪濤遠趁舳艫風大琉球國蒼茫裏小白華山指  
顧中萬象空虛惟隻眼阿誰相對白頭翁

達宇居士以誕日來鼓山同遊靈源洞爲賦此

致祝

釋元賢

海上峒堯劣崩峰喜君杖履特相從誰人喝水蹤尤  
幻昔代題名蘚半封天外青螺分島嶼眼中白浪起  
蛟龍擬將何物堪爲壽千載懸巖甘露松

夜坐鼇鼇橋

出門舉步蹙金鼇山露霏霏浥敝袍鯨浪遠翻江上

鼓山志

卷十二

辛

月天風近鼓樹間濤巖邊深玉泉聲細橋外穿松石  
笋高坐久不知蓮漏未却乘幽興更揮毫

山中積雨初霽鄭汝交太守見訪用韻奉答

敝衲蒙頭一老翁空山晏坐雨聲中洞雲忽破懸朝  
旭林鳥爭驕嘒曉風擇木不妨搏翮下酬機祇解舉  
拳通共看剪盡西窓燭回首東峰日又紅

山居

青山老去髮長鬆種樹栽禾學野農信口詩成多自  
喜橫肩杖出少人逢透窓舒白巖前月對榻凝青海

上峰頃刻白雲迷遠近殿頭傳得一聲鐘

庚寅初春日慶無諍居落成

朝開柳眼對霜禽新構禪房倚翠岑客屐幾能來僻  
谷茶煙每自出平林室中日月無寒暑門外江山任  
古今長揖世間塵夢絕灰頭土面臥雲深

陪周中丞鼓山祈雨

雅爾哈善 參政

雙旌冉冉拂雲過曉寺踈鐘散薜蘿喝水有源聲浙  
瀝劣峰如畫碧嵯峨清癯帶瘡憂民切慷慨陳詞罪  
已多竚看丹城來澍雨千秋佳話在巖阿

鼓山志

卷十二

至

喜雨

劣峰峰頂曉雲生暮雨滂沱遍郡城自是天心垂憫  
惻敢言人力有裁成百千里路禾苗潤十萬人家暑  
氣清幸值年豐詞訟簡小臣何以答

休明

遊鼓山途次

魏荔彤

淡雲踈雨已清秋偶訪招提象外遊深羨好山新入  
眼不堪塵市更回頭勞肩久擬僧龕憇殘暑先從上  
界收誰關煙嵐傳客到長林幽鳥語如郵

路繞漁村野水通  
蹊田細颭稻花風  
長吟獨往秋山  
直逸興先飛城郭東  
半嶺江流浮漭沆  
上方日影散  
濛投筇且倚石亭望  
可有南來一塞鴻

湧泉寺步櫟園先生韻

廷歲塵嬰快賞稀  
秋朝蠟屐扣雲扉  
江明斷岫兼天  
湧花落空巖挾雨飛  
山色懸懸投客夢  
鐘聲款款到  
漁磯應遲泉石留  
軒冕何爲遊蹤久未歸

佛閣橫霞作斷文  
秋光澹宕漸平分  
孤幢影照松間  
月清梵風飄海上雲  
鈴語自消良夜永  
禪關不掩旅

鼓山志

卷十二

三

思紛芒鞋竹笠何年事  
願聽經聲證所聞

登劣崩峰

王大用

三韓人

鼓峰高出白雲渠  
聳秀峩峩接太虛  
俯瞰窮荒天覺  
盡仰瞻元象斗堪挈  
浮沉日月滄波遠  
隱現乾坤貝  
葉踈飛錫是誰追  
鶴去皇封贏得作僧居

石鼓紀遊二首

吳文煥

榜眼

松嶺

峻嶒萬磴俯羣峰  
幽夢頻年喜過從  
驚瀑垂簾趨蜃  
壑炎曦却馭避虬松  
山中客健餐花興  
雲外人迷採

藥蹤那得石間謀一醉臥看蘿月影交重

湧泉寺

此山勝在以泉靈最擅泉靈有此亭塵抱到來真自  
滌醉狂行處定全醒雲生頓覺雙江白烟盡遙收列  
岫青獨恨石頭山路滑不教頂上納滄溟

重登石鼓

林玉麟 晉江人

曙色蒼茫海氣冥還開紫翠謁山靈幾年僧髮皆添  
白十里松楸不改青月皎山空餘鶴夢風和磬響任  
猿聽明朝踏破烟霞去峰上依然鬢鬢肩

鼓山志

卷十二

五

丁卯夏日同謝汝奇遊鼓山

高

本

歷城人舉人

筍輿緩緩陟孤峰為避炎歊叩洞宗

聖

祖御書神物護國師真塔古苔封半空雲氣偏生石  
十里濤聲却在松喜趁閩藩隨侍便名山時一盪踈

慵

陪高鵲橋孝廉遊鼓山次韻

謝士驥

閩縣人

蠟屐追尋劣崩峰曇花香裏覓禪宗通霄有路風頻  
掃古洞無人草自封幾度穿雲鐫恠石每同臨水聽  
寒松山深六月渾忘暑瘦骨峻嶒不道慵

登鼓山 辛巳五月

胡公煥 四川犍  
爲人

石鼓摩霄列翠屏振衣登覽極滄溟脩羅垂地千尋  
碧古栢參天萬丈青何室不爲鐫佛相有臺皆可望  
仙靈列來消盡黃塵慮流水桃花洞不扃

壽鼓山上人遍公六十初度 林春和

帶鎮山門甲子週風濤遙報已添籌烟凝碧幹靈椿  
曉日醉黃英瑞菊秋湧水塵消無垢服劣峰石點聽  
經頭八旬豈強青山屐聊寄俚言祝比邱

遊鼓山依元祖庭模公原韻 林春暘

鼓山志

卷三

五

湧泉寂靜鍵元關蒼鬱凌雲劣崩山萬象幽巖憑眺  
望一泓清澗偶偷閒靈源開朗喧聲杳壽壁昭明仰  
止還人定鐘鳴香刹裡毒龍深省寸心間

前題 林柱邦

幻景欲參好叩關白雲牽袂陟高山名賢巖刻奇尤  
古我祖篇存靜更閑領畧經文馴虎聽渾涵梵偈老  
龍還千峰萬壑皆成畫無用多傳筆墨間

前題 林春和

天生絕境鎮榕關俯瞰中原百萬山靈洞水開丹鳥

芳峰籟息白雲閑諸巖不少花榮落列祖曾經跡  
往還爲訪遠公扶杖至仰瞻常在咏吟間

遊鼓山

游紹安 閩縣人知府

劣崩巍峩控海東登高迴矚眼中雄靈源倒噴天花  
落石鼓遙騰梵語通客路欹衰千樹雨寺鐘斷續五  
更風詩人到處探奇勝不爲春遊任轉蓬

喜晤定超上人

竹杖芒鞋不繫錢飄然一衲入層巔喜從惠遠同攜  
手疑向斷崖共拍肩石燕翻風來海底木魚敲雨落

鼓山志

卷三

五五

峰前白雲不是閒無主去住名山好縛禪

半山亭望江

蔡羹元 閩縣人文學

亭依半嶺白雲浮颯颯西風雨氣收歸鳥數聲千嶂  
夕澄江萬里一天秋烟橫古樹迷荒塹浪挾輕帆渡  
遠洲汗漫振衣遙望處斷虹飛跨晚山頭

鼓山山門

竹杖芒鞋認往蹤海天斜日倚青松未參禪悅千緣  
淨先與彌陀一笑逢草帶泉流穿曲磴門開山窟隱  
高峰此中更有深幽處喚醒人間幾度鐘



夜宿白雲堂

半龕燈火景凄然  
榻擁孤衾夫忍眠  
曉寺鐘沉青嶂裡  
夜窓月傍白雲邊  
爐烟結處心成佛  
客枕回時夢亦仙  
遊戲拈花還獨笑  
好將宗旨問諸天

白雲洞

穿過松陰路幾灣  
置身已在白雲閒  
千巖曲曲鑿危磴  
一水潺潺咽暮山  
繞洞鳥聲留客住  
沿溪月色送人還  
何須仗策僧相引  
心境頓開覺路關

莫春遊鼓山

盧遂侯庠

鼓山志

卷十二

五十六

曾經一十六番春  
浪跡名山寄性真  
石鼓千年開景色  
閒身此日避囂塵  
亂林煙雨鶯雙語  
滿徑殘花客數人  
爲感寺僧勤款接  
黃金重布小亭新

宿湧泉寺

古寺淒清愜遠尋  
無邊幽思淨塵襟  
半天鐘韻月初出  
一室經聲燈乍沉  
夜靜好安遊客夢  
身閒獨證入禪心  
平生爲有清幽僻  
一任山雲榻上侵

